

小峴山人詩文集

小峴山人詩集卷二十一

無錫秦 瀛凌滄

辛未正月三日阮芸臺中丞以書約游萬柳堂并  
錄近詩見示依韻酬之

新歲無官事柴車擬出行閒門少人跡老樹聚風聲石  
硯窺池凍梅花落几平忽傳佳訊至眞見昔賢情

別業傳高會羣公盛詠歌

益都相國嘗謙已未詞科諸公於此蕭疎餘敗

柳颯香剩殘荷已覺風流遠還看古意多鐘聲孤墜外  
名蹟未消磨

童時外氏宅曾見冶源圖

益都家有園曰冶源余外家崑山徐氏故與相國有連少

時嘗於外家見有治源圖今不知何屬矣劫與殘縑盡人誰大雅扶賴公尋

水石於此集仙儒我已辭蓼笏連宵夢五湖

記說平泉好春遊過棗花竟無丁令鶴重問衛公家

朱文

正嘗借余遊棗花寺約同過萬柳堂文正遽逝不果泥爪看人事霜髭感歲華自

茲江海別長煮惠山茶

立春日芸臺招集萬柳堂得詩四首

一徑坡陀外精藍淨俗塵勝遊尋舊路良會及新春脩

禱應逢已曩益都公嘗以上已集讌於此今芸臺亦期以是日爲余祖餞迎韶首薦辛

東風吹乍到已覺水鄰鄰

昔日沙隄路重過覆盎門人來裴相島

嘉興有裴公島舊是裴休別業

馬繫謝公墩事往殘碑少詩畱古壁昏

寺壁懸查聲山宮詹詩

百

年成劫火何暇問前元

迴立孤雲表乾坤一草亭鷓樓依古樹鷺下聚寒汀高

柳幾時碧遠山相對青拈花真諦在鐘梵與僧聽

今爲拈花

寺

阮公眞好事招集到吾儕作賦詞俱妙

座客爲蔡學士生甫宋編修芷

灣爲圖畫更佳

朱野雲工畫山水若教傳外國亦足想高懷

高麗

使者喜談理學不期而至我欲西神隱何人碧社偕

將歸城西草堂用昌黎集中示兒韻卽題圖卷後

年衰苦嬰疾乞身親上書仰荷明主恩許我歸敝廬

有屋在江南約略數畝餘吾家無長物食僅供菜蔬性  
癖寡儔侶古詰堪相於高閣度萬卷閣外雙桐株雜樹  
互盤絡密葉交華勇窗影日月送石氣煙雲噓人生天  
地閒此身亦區區龍鍾逐簪組何如守沖虛晚節重知  
止寵利寧久居所嗟廿年來骨肉日雕疎賴有童孫輩  
從我時牽裾扶攜杖與履晨夕侍老夫鄰里爭歎羨官  
高佩金魚無人知我懷所履多艱虞孤立恆揭揭出處  
無一娛餘生凜有幾幸得還蓬樞吾鄉盛賢達自願百  
不如少壯慕問道所得良亦纍蹉跎成白首卒爲庸愚  
徒聖學翳榛莽欲闢仍難祛文莊邈千載寂寞誰與俱

前明吾鄉理學  
開自邵文莊  
侶侶談六經  
衆口嚙迂儒  
題詩示兒曹

庶幾遂厥初

草堂之西  
爲遂菴

同盧東川遊白雲觀

古觀長松裏  
荒邨繞郭幽  
言攜玉川子  
步屨訪丹邱  
雅尚辭塵服  
清言接道流  
問年七十六  
知己悟真修

主觀  
一羽

士年七  
十六矣

三月三日芸臺中丞招集萬柳堂卽爲余送別時  
朱野雲方補植楊柳因用覃溪先生韻得詩二首  
并貽野雲

行行紫陌動春畊  
雨長新苔一阜橫  
上日恰來修禊客

荒原猶記讀書聲覃溪少時讀書於此欲栽桃杏沿隄合野雲并擬植桃

杏杏尚有煙波隔屋明待到垂楊絲拂面年年三月不勝

情

中丞題篆勸歸耕中丞為余歸耕圖題篆攜榼林閒几榻橫郭杜

風光三月飲招提鐘鼓六時聲官閒尙繫蒼生切中丞撫浙

最久今官侍講老至惟看白髮明此地先公會餞別低徊舊事

百年情先宮論有萬柳堂送益都相國詩

三月六日江西臨川李宗丞宗瀚金谿謝編修階

樹南康謝編修學崇湖南武陵趙給事慎畛攸縣

陶編修澗長沙賀編修長齡善化唐儀部業謙唐

吉士鑑 寧化陶明府

章馮

浙江瑞安林編修

厚培

余同郡劉編修

嗣緒

饒余於陶然亭以詩留別

春光澹沲城南亭 春風亂響簷角鈴 羣公好我此饒別  
欄楯四面臨郊坰 巾車軋軋出沙際 有若柔櫓來沙汀  
居庸莽蒼古邊塞 西山遙翠開煙屏 座中三人豫章彥  
光輝畫燭文昌星 日下人豪盡雄俊 一時歛集驅風霆  
醉吸洞庭戲神女 夢遊天姥驚山靈 桑落勸我恣拍飲  
有酒難制惟頽齡 如余年老合衰退 劉子那亦思揚舲  
劉將乞假 觚稜翹首有餘戀 雲裏雙闕當窗櫺 所望皇天布  
德澤 龍潭雨氣懸含腥 時方憂旱 人生磨牛踏陳跡 六年儻



忽今重經從茲便與此亭別長天病鶴梳孤翎暮春天  
氣尙寒冷楊柳纒放長條青明朝回首送行處已攬離  
思花冥冥

題崇禎帝賜曹化淳手敕及批答石刻後

明社將屋國運徂烈皇宵旰增憂虞孫高陽輩棄不用  
璽書親賜貂璫徒薊遼邊事日孔棘秦蜀虵豕還載塗  
歲紀庚寅十三載司禮太監司軍符首稱化淳最忠赤  
京營統領千貔貅批答復許陳訐謨御書風骨極雄俊  
氣象自與常人殊翰墨零落不知處石刻幸未埋榛蕪  
多魚漏師古所戒春秋大義慎禍樞烈皇英武故無匹

阜昌厠鬼施天誅奈何不省鐵牌訓復蹈覆轍庸闔奴  
况乃賢奸劇倒置知人之闇難辭辜夫何九門竟不守  
武英登極來猊瑜海棠樹下帝殉國龍髯不返歸鼎湖  
化淳迎降等狗彘王承恩獨能捐軀披髮相從上昇去  
昌平陵樹煙糝糊

題鄭峯陽先生臨脊令頌墨蹟後

峯陽先生曠代才屈死西市真堪哀書法絕似李北海  
脊令一頌留瑤瑰龍興淄邱皇圖踐海內承平號清晏  
宵衣宮漏滴銅壺早朝黼展懸金鑑複道初成華萼樓  
夾城別起芙蓉殿五王貴盛盡承寵內侍傳宣侍遊讌

花奴擊鼓花正繁繁絃急管聲何喧太和翔洽覘瑞應  
翩翩有鳥來前軒詩歌在原稱急難臣魏長史拜手言  
九重愉悅動天筆大書深刻鸞鳳騫玉環宮中偷弄笛  
笙歌忽斷岐王宅纔道歡娛賜宴新誰知倉卒傳烽急  
樂極悲來大可吁王孫在野拋路隅華清雲鎖竄瓦鼠  
延秋月落啼城烏南內歸來亦殊苦昇平舊樂誰重譜  
望帝何當怨杜鵑上皇猶自思鸚鵡金粟堆前木已拱  
零箋剩楮狸邱壟那同玉盃出人閒明誠著述收遺冗  
峯陽先生偶得之手腕極力相摹追依稀天寶年間物  
想見開元全盛時

尊溪先生製長句爲余題城西艸堂圖卽送余歸

里以詩奉報並誌畱別

我將歸尋鳳谷窩

寄暢園舊名鳳谷行窩太保端敏公歸田後築

尊溪先生贈

我歌歌中盛稱遂初事遂初堂在西神阿

尤文簡遂初堂在西神山

麓之堂成崇陵曾賜額照耀巖谷輝煙蘿文簡立朝被知

遇投老始得還軸邁來朱亭子尙突兀斯堂灰滅隨飛

蛾

遂初堂殿於火

孫興公賦早寄興宵令白髮悲婆娑公名干

載在天壤長與惠嶺爭嗟寢殿廷慷慨議政事掖垣諸

疏尤不磨山薌落梅鷓鴣曲乃公餘事未足多至今蹤

蹟餘髣髴二泉之右森喬柯

文簡祠在今二泉亭右有遂初堂係公後人補築

我今幸逢 聖明世 冒寵竊祿叨 恩波 歷官中外卅  
餘載 樛櫟難與公同科 頽唐自笑百無用 荏苒歲月嗟  
蹉跎 一朝乞身便解職 差免大雅相譙訶 城西數椽築  
草舍 僅貯金石供摩挲 蝸牛廬小止十笏 豈有華屋凌  
坡陀 屠生意外出妙筆 點綴花竹纏青莎 蘇齋閉戶久  
不出一任門巷喧鳴珂 今年再與杏林宴 年垂八十朱  
顏酡 他年倘附滄江鯉 惠我詩什重吟哦

別陶季壽

君昔湘陰送我歸 洞庭三月楊花飛 今日燕山又送我  
看腰草色纔侵衣 君來自南未匝月 相見復別情依依

廣渠門外一揮手斜日黯淡無光輝我方投老返鄉國  
老驥肯受風塵鞭桑苧泉烹水瀾瀾龍威洞探煙霏霏  
官資二品齒七十棧鞅桐帽誰云非瀟湘夢破舊時笛  
黃鶴掠過雪中磯回首京華遊侶在卻戀西山橫翠微  
三月十八日送 駕後出廣渠門赴通潞登舟雜  
詠六首

曉色西山繞 御鞍春雷萬騎動鳴鑾 君恩已許歸  
田里猶爲殷勤駐馬看

四載琉璃井畔棲樹陰深護鶴巢低懸知後夜相思夢  
長在春風 禁苑西

拂衣容易別長安只爲情深去轉難  
招悵離堂罷尊酌

淚痕不似酒痕乾

是日葉雲素熊介茲程春廬唐受堂張翰山俱集盧東川友石山房送余

東川至  
淚下

紛紛餞別出新圖

陶然亭萬柳堂  
祖餞皆有圖

廣受當年得此無聞

閣還教將粉本蔡侯紙上寫蓉湖

潁行春廬出蓉湖歸  
擢圖贈行其婦吳夫

人所  
繪

短長亭畔長新黃  
蹀躞平蕪信馬蹄  
絕勝吾鄉老宗伯

郭門相送只覃溪

覃溪閣學嘗言鄒小山先生致仕  
歸里郭門外送行者只閣學一人

好隨白鶴下吳田  
歸及江南四月天  
壓徧行裝惟別緒

明朝載上路河船

東川約凌泊齋徐月巖送余至  
通路置酒郵亭俟余張帆始別

舟中猝遇大風有作

蜚廉空中張兩旗，狂風怒捲頰雲飛。  
駿鳥三足已遁走，義馭退舍韜晶輝。  
舟人色怖急拋碇，沙礫亂打船窗扉。  
船身掀簸忽下上，蹴天巨浪春高埒。  
雷輓電掣走鐵騎，雜遝似突昆陽圍。  
昏霾白晝等長夜，呼僕秉炬光依稀。  
人言髣髴有神過，焚香下拜祈天妃。  
自未至西過三刻，風伯力倦漸歛威。  
雲陰解礮庶開霽，林表荒忽明斜暉。  
李石農期余於津門之北倉，連日風阻久不得達。  
方我在京師，君還自邊陲，我今謝朝政，遙返滄江湄。  
君有事津門，行將與君辭，自登潞河舟，日日狂風吹繫纜。



孤岸側檣櫓不得施相望二百里昨夜勞夢思仰視天  
漠漠浮雲東南馳飛鳥與之俱翱翔任所之我何獨滯  
淫中懷增鬱伊胸有千萬語欲與傾肝脾平生負志事  
宦達徒爾爲歲月等流電早覺筋力衰性癖罕所諧惟  
君實相知君始脫羅網未免好爵縻從此出處異蹤跡  
遂乖離茫茫隔山嶽後會安可期君曾過我舍雙樹桐  
陰垂骨肉近多戚撫已恆涕洟且當事曠達勉就東臬  
苗曩余偕幼子六壽居知過堂堂之  
西則長女三女所居也今皆亡去

舟次津門

自別鳳城柳茫茫已隔旬青天雙去鳥白髮一歸人雨

溼津門鼓風披  
輦路塵清涼山色裏西望  
翠華春

時上方

幸五臺

津門阻風

狂風爾何意日日阻扁舟  
海燕飛難定檣鳥颺未休  
浮雲來碣石幽意屬滄洲  
送我孤帆下江南有故邱

閏三月三日舟中作

垂楊渡口乍張帆  
輦節重逢三月三  
誰說東風花事了  
春寒遺未著春衫

夢遊蘇州之華山醒而成詠

揮手謝人事吾將訪名山  
巖壑入我夢身在蓮花閒  
鳥

道挂石壁欲上愁險巖道人坐峯頂招我凌孱顏蓮花  
空中象跗萼如可攀飄飄白雲際經聲出松關舉瓢酌  
紺泉夾湖流淙潺爲問西空子去鶴何時還

春盡日作

極目江南岸歸心日夜潮如何春盡候纔過廣川橋楊  
柳碧無緒桃花紅已消麤蕪故園早入夢轉迢迢

送春

記向郊門折柳枝猛教吹老麴塵絲耐他雨雨風風裏  
消盡朝朝暮暮時三月離愁中酒劇一年春恨落花知  
故人冠蓋京華滿尺素裁成好寄誰

時寄蔡學士坐甫  
盧工部東川書

過德州述感寄兩弟

曩歲遷浙藩朝覲入京師叔氏在山左謁見德水湄行

館執杯俎相聚祇片時逡巡又拜別從茲遂乖睽無何

叔氏沒

謂四叔父  
蓉莊公

季父亦復隨

謂五叔父  
建侯公

吾父輩行盡

同氣無畱遺有如風捲箏一任狂飈吹我年近七十筋  
力久已衰乞骸幸得請將返西神陲重過無棣城念在  
心逾悲人生非金石百年日算期作詩寄吾弟此意應  
共知白首永相保相好無差池

甲馬營

我過甲馬營不聞甲馬鳴但聞泱泱河流聲五季亂天

下爭趙宋出天下寧宮中焚香求太平火光夜半眞人  
生生兒果然有大志殿前點檢作天子黃袍加身胡爲  
乎陳橋之變環貔羆華陰陳搏方墮驢

曩偕亡婦朱夫人過清源夫人有綠楊影裏畫橋  
西之句今重過此愉悅如夢感而有作

候風候水似當年兒女紛紛記滿前今日吟君惆悵句  
綠楊影裏獨歸船

卅載光陰似水流濁漳清汝各悠悠青天碧海知何處  
并作潺湲一夜愁

有懷亡弟士蓮卻寄小泗

水宿煙餐感昔塵，扁舟重繫綠楊津。可知酒冷燈昏夜，  
已是江湖白髮人。

白楊蕭蕭墓草枯，棠花零落浮雲徂。西江風雨官齋冷，  
想爾停腸念老夫。

憂旱

山左連歲告災，入夏兼旬仍缺雨，澤賦此。

四月仍無雨，黃沙日日風。三農憂地坼，萬戶說年凶。端  
望甍疲瘵，應須籲昊穹。吏人徵賦急，籽柚已全空。

夢中作

櫻筍堆盤酒甕香，主人日日饒春忙。園丁好爲關門住，  
莫遣落花飛過牆。

阻牘

旅泊兼旬慣淹留似買胡扁舟安枕席何日達江湖薄  
酒寧嫌魯名山已夢吳平生跡多阻歸老畏窮途

曉起訪南池

水際初陽上沿隄踏曉煙荒池猶浴鷺高柳已鳴蟬有  
客字子美無人拜杜鵑浣花遺像在寂寞古城邊

任城舟次吳主簿兼山來過

舟泊少陵祠兼山過我時如逢許主簿共話古南池言  
有移居什因之奉母詩匣中看劍氣莫厭一官卑

晚登太白樓

蒼茫雉堞俯齊州  
白首重登太白樓  
岱嶽盤空雲外落  
星河倒影檻邊流  
未妨嘯傲同狂客  
幾見功名到醉侯  
我亦當年釣鼈者  
只今憔悴且歸休

仲子祠

仲子升堂彥曾聞  
劔佩雄家傳負米  
孝史紀結纓忠配  
食緇帷舊專祠陋  
巷同枌榆經故里  
清泗水仍東

過南陽湖

放灑聲中水幾灣  
推篷心與暮雲閒  
縈青繚碧湖隄外  
萬樹垂楊十里山

拍拍平湖叫水鷄  
日斜晚飯舵樓居  
千竿蘆葉碧於竹



中有一船人賣魚

過淮陰作

年年水泐上河魚獨客張颿指舊郭漁火影還明楚岸  
榜歌聲已入吳歛枚臬宅畔春蕪長韓信臺前夜月孤  
多少朋友零落盡怕聞鄰笛亂啼烏

謂阮吾山侍郎程  
載園編修諸君

曉泊黃河口

伏枕聲喧曉夢殘推篷煙雨正漫漫舟中白髮三春老  
天上黃河五月寒淮楚於今愁轉粟崑崙何處瀝鳴湍  
到家兒女殷勤話且博尊前一笑歡

寄緬武

降秩非兒咎故園應且歸轉緣干吏議暫得侍庭闈骨  
肉心滋戚功名願已違但當安蹇拙吾道未爲非

過廢園

舊日亭臺燕尚飛壞牆缺處蘚苔肥落花狼籍春無主  
付與東風作地衣

渡江作

年年滄海別雲松夢憶松寥隔幾重今日又從江上見  
溼銀堆裏碧芙蓉

江上寄王柳邨

東望翠屏裏詩人王柳邨長吟自今古高枕有乾坤斜

日鳴烏榜寒潮下白門曲江亭畔坐

亭爲阮芸臺新築

著述幾

千言

舟中望長江

水自岷峩下山圍建業秋六朝終古事萬里大江流  
綠向天盡茫茫如此愁攜將廣陵酒沈醉看潮頭

金山僧餉中冷泉水取碧螺春烹之有作

山僧鼓櫂渡江津攜得中冷一盃新活火風鑪烹蟹眼

碧螺好試洞庭春

碧螺春出洞庭山

小峴山人詩集卷二十二

無錫秦 瀛凌滄

長吉五弟貽余憚南田贈先燈巖公歲寒齋夜話

圖扇面感賦二首

歲寒居士歲寒齋

公自號歲寒居士

一百年來迹已乖

歲寒齋今不可

考意卽今之恒齋

剩有高秋聞鶴語夜深涼月上松堦

彷彿高人話夜闌南田妙墨寫檀欒此間風月無錢買

一片蕭騷畫裏看

恒齋今爲從弟所居余擬購之而無費將來恐屬他氏矣

七月二日三山弟招集白永山房

閒居愴無豫所懷在寥廓縱步臨方塘烟潭映蘭薄道

人宗門秀于茲鍊丹藥入戶但几席窺簷惟鳥雀涼風  
襲衣裾既止時復作仰視西山雲林端挂層嶠忽焉羣  
從集流連池上酌古人已云邈遺踪想冰壑悠悠傷我  
心千載成寂寞

白水塘爲明盛冰壑先生  
故居卽方塘書院今久廢

嶺雲

無心出岫又還山只戀巖巒嬾更閒但看九龍眠正穩  
不教行雨到人間

雜咏八首

山東父老詔書傳慟哭延英棄大賢萬古屏風竟蕪骨  
不教留到中興年

退閒曾記午橋莊竹木陰圍綠野堂誰識精神似龍馬  
相公憂國鬢成霜

磨蝎纏官命不辰投荒萬里瘴江濱老來卻愛南溪泛  
留得潮陽未死身

白石清泉履道坊尙書身世已相忘香山不作唐朝相  
苦恨當年李贊皇

穎尾淪漪榜釣船歐公發興甫華顛平生漫著歸田錄  
及到歸田只一年

韓公五上乞休章伊吕巢由雨不妨退老早聞知止戒  
東坡先賦石淙莊

家住岷峨鳥道邊，買田陽羨未歸田。  
坡翁只乞常州住，夢裏虛乘萬里船。

文簡堂名號遂初，梅花一曲晚歸吳。  
九峰猿鶴還無恙，老伴松陵范石湖。

師古河秋夜步月

秋在雙橋路無人，只獨尋涼風生樹杪。  
明月照潭心手把綠玉杖，囊攜青綺琴。  
祇應聞步履，驚起暮歸禽。

舟出西定橋入溪湖

烟波浩如此，吾合放船行。  
蕩破九峰碧，劃來雙槩明。  
眠鷗拳宿雨，飛鷺掠新晴。  
余意耽閒逸，非關忘世情。

繇南橋港泛舟五里湖至水居

已入五湖路菱歌秋浦深沿隄繫孤榜隔屋語聞禽風  
獵兼葭響烟寒蘿薜陰儂非楚孺子也學滄浪吟

水居有感題於水哉軒壁

余以甲子年修葺水居今又頽敗矣

頽垣自昔委秋烟改築纔經六七年觸目又成興廢感  
水禽啼殺講堂前

將至苕溪寄彭毓圃明府

扁舟掠鷺脰暝色動烏榜沿隄烟火微遙聞採菱唱冉  
冉華月生湖水相蕩漾翔鷗矯輕翼戲鴨狎寒浪聞有  
賢茂宰作吏苕溪上明發溪上過乘流一相訪



葉譜山過訪得二絕句

閒門無事閉蒼苔  
桂落空巖李相臺  
秋雨聲中間剝啄  
故人一櫂渡江來

曹娥江口送歸船  
雪竇天童築數椽  
明日同尋惠山寺  
竹爐松火石牀眠

雨中過寶帶橋

寶帶橋邊水松陵  
百里間只看烟際樹  
不見湖中山孤  
榜沿流急秋禽傍渚閑  
垂虹南去路楓落釣魚灣

烏鎮

落日過烏戍  
孤帆去鳥輕  
菰蒲秋水亂  
桑柘暮烟平  
小

港分溪影長橋聚市聲此鄉蝦菜賤頻動五湖情

歸雲庵

精廬深竹裏舊跡問前朝人去雲留屐山空月貯瓢尚  
餘詩卷在不受劫灰燒坐久忘言說禽聲破寂寥  
我亦似歸雲雲中一鶴聞偶跌衰草坐不覺夕陽曛門  
外諸峯合階前曲磴分萬松纏薜荔山鬼弔荒墳

夾川漾

客子倦水宿朝來復蕩槩適與清景會卽事愜新賞沿  
緣入葦葦涼颭掠烏榜烟霞隨趣遠始見初日上青山  
夾谿流倒影交滉漾宵映林壑深松篁遞清響岩堦望

道場輟權欲孤往下有太初墓高標起遐仰空谷無人  
行隔塢聞樵唱

湖州二絕句

一溪烟浪白蘋風泛泛鳧鷖傍釣篷最是吾家山色好  
半林楓相夕陽中

峴山西望白雲層又見波心月一稜千古風流稱兩絕  
柳吳興與趙吳興

過溫體仁墓作

壞道何人墳蕭蕭向平野斷碑無首字剝落宿莽寒烟  
眠石馬鬼火下燭地下囚錦袍玉帶成骷髏有酒不洗

烏程羞楓林月黑啼鴛鴦

爲荆溪陳景辰題深山讀書圖

陽羨有逸士結廬南嶽邊君從二沈隱詩已衆人傳雅  
尙在千古所持惟一編相期兔牀叟訪汝入雲烟

將至硤川迎寄兔牀用松雪齋集中韻

閒居念曩游籃輿度雲巘言有素上人禪室松下偃世  
事駒過隙聞師已西返乘秋發高興山空青桂晚復此  
川上舟挂席不辭遠將借兔牀子吟眺同繾綣

中秋前一夕馬雨如招集西山惠力寺吳兔牀汪  
小海楊書巢咸至別後有作

幾人繫纜寺門前  
白傅堂開古峽川  
入定已歸前度劫  
拈花還有再來緣  
海潮音入齋鐘靜  
山月光涵佛塋圓  
十載重逢今又別  
載將離緒滿歸船

大茅峰

懸崖鳥飛外振衣  
千仞間撥雲海日  
上掃石松風閒晴  
浮武邱塢遠見吳  
興山茅君邈千載  
鸞鶴何時還

望皇山

三讓開吳日東南  
第一鄉文身無舊  
俗採藥有遺疆古  
墓樵人識名山井  
甃香流連五噫咏  
獨立迴蒼茫

泛舟入長廣溪

一櫂碧無際溪雲如此閒  
蓼花秋水岸楓樹夕陽灣  
鷗鳥向人熟漁童知我頑  
迢迢榜歌裏數點別州山

高齋

高齋微雨歇林表聞疎鐘  
獨立夜山迴月明三四峰  
螢流深徑竹犬吠隔溪春  
我欲尋裴廸故人何處逢

送長女匱歸葬杭州詩以哭之

寂寞殯宮秋終當返故邱  
憑棺盡一哭歸骨有孤舟  
生死千年判松梧兩地愁  
衰親還送爾知爾亦回頭

題河東君小影

偶留粉本貌傾城地老天荒未了情  
紅豆新聲在南國

黑頭舊夢記東京

謂閣訟事

已殘煨燼塵中劫

謂絳雲樓

無賴鷓

花世外盟遺恨尙書今地下不將名節換公卿

爲楊蘭谷題填詞圖

菴畫詞人調最工曾從圖卷識髯翁

迎陵填詞圖余曾有題句

憑君

唱出銷魂曲也付江南盛小叢

絲竹爐山房貯第二泉水至寄暢園煮茗有作

攜得山中月一瓢茶經品第問前朝石苔牀冷披雲臥  
松火爐烹帶葉燒層阜逶迤高作嶂明流宛轉曲通橋  
須知鳳谷歸來後老輩遺風未寂寥

點易臺古松

文莊昔歸慧山麓點易研朱築茆屋百年泉涸高臺傾  
剩有長松鶴來宿清霜冷含石氣青蒼烟濃皴苔色綠  
卻憐本是棟梁材不在巖廊在空谷

雪

十日山城雪幽居獨閉門閒思嶺梅發靜對溪禽言煮  
茗烟俱溼當盃酒不溫高齋寂無事兀兀忘朝昏

雪後山寺見月

寒林凍殺欲棲鴉薄暝松窗霽景斜縛帚山僧掃殘雪  
鐘聲催月上梅花

知魚檻看積雪



檻落九峯雪山風生晝寒簷冰還挂鐸澗水不飛湍獨  
此坐危石無人歌考磐好攜田舍酒招鶴下前灘

爲顧少卿題家藏秀野草堂圖

昔讀元人詩秀野草堂夢見之今觀草堂圖想見先生  
選錄元詩時草堂在何許近在胥江湄門以兩板椽八  
九籬垣竹徑通透迤桐陰宵綠柳痕碧曲曲池水開漣  
漪米囊花放藥欄靜好邀詞客爭題詞東南名彥此高  
會玉山雅集前後堪相師吁嗟絲津尙書不可作西陂  
圖卷名空垂先生受知於商邱蒙宰西陂魚麥圖商邱物也當日竹垞曾作此  
堂記竹垞卷子亦復難重追竹垞圖歸錢裘山中丞獨有斯圖少

卿之所守牙籤玉軸猶是先生貽撚髭亭邊天色美

亭在

吾家城西草堂

堦除習習花風吹展圖題罷一撫掌茶甌酒榼

我亦足自怡遂園修禊成往事得閒卷中再誦西堂詩

徐大司寇遂園修禊圖冠以九西堂先生詩句今此卷亦錄有先生詩

### 善權寺僧祖修過遂庵

荆南一僧至爲余談善權松杉明夜火椽栗飽蒼烟行

腳三峰路

惠山有大茅二茅三茅諸峰名

觀心五祖禪因渠問陳子讀

易國山前

僧持陳景辰書至

### 爲盛樵谷題香溪獨釣圖

香溪溪畔問漁人只與鳧鷖誼最親青箬綠簑西塞雨

人山七言集 卷二十二  
桃花流水武陵春曾游嶺嶠攜詩篋老向江湖弄釣綸  
我亦年來具區隱太平時節自由身

題畫犬二絕句

風物山家碌碌場桃花深港酒旗旁月明想得聲如豹  
輞水淪纏華子岡

寂歷村墟晝不喧閒來飽飯臥牆根李斯已作倉中鼠  
牽汝曾經上蔡門

得百菊溪制府書卻寄四首

江上書來寄朔風歲寒霜霰壓蒿蓬青雲知己如公少  
華髮論心許我同局外漫分碁黑白匣中誰辨劍雌雄

車輪無礙羊腸險恩怨終當付太空

雲開畫戟望清巖五嶺三江節鉞兼白璧已沈翳浪靜

長虹曾掣鰲波恬世間走卒知君實天上神人識仲淹

最是關情財賦地萬家生佛頌芬檐

此謂止輪賦  
助工之舉

清夜焚香凜四知肯將素履負恩私縱教衆口金能

鑠不信平生玉有疵世事難忘投杼懼聖心終解拾

塵疑宵衣此日頻南顧留慰江淮父老思

盡日關門謝世紛山中歲月戀斜曛已無智慮堪謀國

尚有心肝可奉君似我書空徒咄咄怪他流俗漫云

云衰年離索還多感韓信臺前一片雲

時聞制府又將  
有袁浦之行

惠山石門施鶴峰道士年八十乞詩賦此贈之  
道人散髮支寒筇身邊長佩蒼精龍囊攜函谷五千卷  
家住石門第幾峰地是神僊栖白鶴山真太古見蒼松  
明年三月訪爾去水簾洞口桃花濃

答王鐵夫卽和來韻二首

屏絕區中緣閉門久不出履道殊坦坦幽人筮貞吉我  
友忽造訪晤言慰契濶茶烟逗疎籬梅萼破積雪衰懶  
不報謝禮非爲我設

相聚復相別漠漠寒雲生重茲枉嘉藻令我懷抱清久  
謝簪組累庶尋車笠盟翕熱看朝貴一旦性命傾何如

澹世慮了此物我情

得李石農津門書卻寄

曾從絕域荷戈回 帝命重教掌外臺  
隔歲人經滄海 別殘年書自析津  
來茫茫世事看碁局  
落落心情付酒盃  
江國寒雲燕塞雪  
長空雁影自徘徊

二泉亭上作

風吹兩腋霞裾輕  
獨立縹緲之飛亭  
六丁開鑿混沌竅  
雲根破裂流精英  
驪龍蛻骨神髓洩  
瀉入古甃涵澄泓  
耳邊不聞響琴筑  
但見九峯橫翠屏  
不是康王谷畔珠  
簾泉亦非郭璞墓  
旁之中冷前人品  
隲天下稱第二石

子磊磊瑩光晶左挈玉川子右揖桑苧生齒牙凍雪恣  
澆潄翠浪煮出松風馨一汲可鑑龍鍾形再汲可洗昏  
花睛一酌能令宿酒醒再酌能使心魂清仙之人兮吹  
玉笙月下一曲來山精泉兮泉兮語汝聽夜鶴毋怨猿  
毋驚有人不愛高官職自入名山撒手行

除夕

前年一疏乞歸田七十明朝又一年半榻清風容掃地  
五更曉夢記朝 天堂懸畫像承先德架有藏書望後  
賢俯仰此身無限感敢同白傅占林泉

題盛青樓溪南小像四首

寂寞溪南叟風流不可追曾傳蜀道集足繼杜陵詩  
未  
邱傳經日青山入夢時畫圖餘髣髴想像撚吟髭

太息龍蛇歲先生輟瑟辰題詩多老輩歎逝惜斯人夢  
斷塵中劫花殘澗上春靈巖一片土魂魄伴遺民

地近徐侯

齊靈巖  
土室

我亦頭如雪南山歸做廬吳中耆舊盡海內友朋疎自

昔聞名舊於今把卷初平生感風義彭沈兩尙書

彭芝亭沈

歸愚兩先生並  
有歎逝之作

風貌還如昨留貽仗後賢名山尊俎豆遺澤守栝港人

以青嶼著詩將白雁傳勝他厲樊榭荒墟沒寒烟

厲樊榭墓



失已

西窗用元遺山韻

西窗雜樹八九種昨夜樹樹來東風林花自開禽自語  
我有盃酒無人同江山寂寞舊游換功名翕赫浮雲空  
霜刀入網春水活溪頭幽興還無窮

晚投村舍

日暝投村舍林間罷杖藜開尊消薄醉攤紙索新題山  
月隨人小溪雲覆屋低夜闌聲似豹犬吠竹籬西

柴門

小小柴門斷岸西不成村落不成蹊桃花開徧無人看

盡日黃鸝恰恰啼

近況寄鐵夫六首

雀羅亭館似山村只有東風又款門  
所喜老夫豪興劇  
春來無日不開尊

昏昏雙眼霧中如筆墨因緣笑未除  
句曲仙人善權老  
連朝來乞擘窠書

七十老翁何所求百年人事已都休  
閨中小婦新添喜

湯餅筵前羨白頭

時余得幼子緜業

風風雨雨暗江城屋角啼鳩未喚晴  
有約湖山先一笑  
好攜斗酒放船行

治聾有酒不須傾耳疾年來轉覺輕  
小院日長親聽得  
松風吹合煮茶聲

茫茫海內孰吾徒我憶長洲王鐵夫  
明口便應尋汝去  
一帆春水到姑蘇

爲瞿花農題洞庭泛月圖用杜韻

洞庭橫笛夜曾上岳陽樓風雨三更合  
魚龍九派浮夫  
君弄明月身世有扁舟一別亦已久  
茫茫江漢流

爲馬容海題皴雲石圖

石故吳六奇贈查伊璜物

炎海飛來一片石昔在查家今馬宅  
雲根戍削苔紋皴  
石耶雲耶浸寒碧不見當年吳六奇  
猶見茲石雲倒垂

硤川晝夜吐光怪搏弄日月蟠蛟螭

舟過虎邱

十年前事最魂銷今日重過斟酌橋飛絮落花春寂寂  
流鶯爲我語無聊

茶庵

欲尋蘭若證毗耶尙有閒僧爲煮茶怪道維摩開口笑  
春風開到鵬桃花

訪三過堂際清上人已歿感而有作

淒涼往事總難論橋李重尋不二門鴻爪又添新印跡  
燕泥休認舊巢痕憐公永逝離塵劫祝我長生傍世尊

寺僧供余  
長生祿位彈指去來真是夢虛堂無恙佛燈昏

過汪小海宅項秋子自杭遣使以書來迎賦此答  
之

蓮使忽然至招尋喜到余書來百里外人別八年餘天  
地存吾黨湖山愛爾廬平原十日飲此意竟何如

來書  
中語

繇小有天園至壑庵

徑迂穿小有籬落啓禪扃一石塞幽壑千松橫翠屏峯

高當閣見鳥遠隔花聽壁上題詩在斯人付杳冥

壁上  
刻願

棟園邵右巷馮玉  
圃洪稚存諸君詩

望湖樓

鷓鴣花三月怯春寒重上高樓倚畫欄恰對南屏揩老眼  
湖山也似霧中看

遊靈隱寺

春山新雨後身入亂泉中竹篠穿雲溼桃花夾澗通猿  
猱深洞古鸛鶴夜巢空爲說天台好明朝吾欲東

有僧談天

台之勝

徐雪廬贈天台萬年籐杖以詩酬之

徐生來從武康山贈我天台之籐杖此籐產自赤城華  
頂間蚴蟻屈曲一旦落吾掌我昔乘筏過大溪天台咫尺  
愁攀躋上有疋練千丈瘦蛟舞下有長松百尺元猿

啼壽籐紛糾不知數石梁欲上雲烟迷塵寰日月跳丸  
耳荏苒衰老游屐無從攜昨者韓中丞謂桂貽余筇九  
節翩翩蝴蝶之所化尙帶羅浮太始雪我今得此杖天  
然成兩絕日日扶我尋名山便將往探靈威穴靈威古  
洞稱最奇金簡玉冊藏屢屢讀遍仙書一萬五千卷庶  
幾兩腋習習仙風吹人間蛇虎不敢近杖能逐汝慎勿  
哈杖兮杖兮得毋昌黎之赤籐磊砢還自義和遺老夫  
攜爾任所之手招鸞鶴相追隨萬八千歲無窮期

六橋

蘇家門巷綠楊隄一道裙裾草色齊春夢曉來慵未醒

亂鶯啼過六橋西

偶成二絕

曉起步閒庭窗明上初旭階前夜來雨溼重新移竹  
二月江南春望遠傷春目不見所思人花枝紅映肉

過馬容海雲石山房

家住桐溪上門前春草生梅花過牆白蕉葉覆池清小

築移雲石

容海新置鐵雲石於此

高吟見性情看君尙年少書帙

自縱橫

絲惠山寺而上歷三茅峰絕頂至石門憇白鶴道

院取道至離垢庵



凌緬陟陽崕盤紆歷危磴攀援不辭勞遂躋古華頂殿

門肅山風焚香拜遺影

大茅峰祖師殿  
有先淮海遺像

躋險趣方始探

奇勝徐領飛鳥隨上下西峰復東嶺怪石當我前屈折  
得幽境雙扉忽崩裂洞壑闕深靜白雲滃其中旁魄蕩  
虛景

披雲石門路始下雲間峰何年雙白鶴來此巢長松言  
尋羽士居徑沒麕麇踪古壁蘿葛蔓曲塢莓苔封飛樓  
挂崖巒巖洞摩心胷不見珠簾垂乳竇微琤淙吾將掇  
瑤草菖蒲花紫茸

籃輿辭白鶴曠望惟川原意行近山趾復茲叩道門崑

花滿石壁白雲爲籬垣幽禽偶一哢寂寥誰與言蕭蕭  
竹間風來埽風中軒老氏貴昏默終當求其元如何謝  
簪冕猶未離塵喧

泛長廣溪

理舟沿迴塘容裔入空水好山何連縣一碧三十里孤  
帆轉蒼翠清溪澹如此微雨溪上來沙鳥忽驚起斜陽  
照西崑演漾情未已汎汎何所之卻憶鴟夷子

屠琴塢過訪同遊惠山小憩寄暢園至竹爐山房  
敬觀 上賜王絳溪山漁隱圖薄暮飲於寺塘涇  
之溪山第一樓送琴塢至黃埠而別是日余并約

齊梅麓明府會有公事不至

忽弭梁溪權相將入翠微九峰當面立  
亂瀑到門飛竹色侵魚檻潭光浸鶴磯  
喜逢賢令尹煮茗話斜暉  
黃葉前朝寺閒房剩竹爐因尋茂之宅  
重撫孟端圖松火留僧榻溪山夢釣徒  
幾多懷古意寂寞晝啼烏

瀟灑齊明府賞心惟我偕如何負前諾  
未得遂幽懷以此巖壑美兼之風日佳  
只應容漫叟日日踏芒屨

楚相墩前月悠悠照去旌樓頭一尊酒  
相送涉江行白舫烟中樹青山水上城  
諸君方報國老我獨躬耕

吳兔牀八十以詩贈之

山舟先生年九十君少十年今八袞余齒少君復十年  
追從先後差隨肩君家棲隱滄海上我亦歸爲五湖長  
經年不見勞余心袂會遲君獨怙悵拜經樓上藏書多  
拜經樓外披烟蘿名山著述自千古何用高爵爭嗟峨  
自昔經師多壽考轅固伏生君其偶海昌一老周與俞  
近日還曾把臂杏棕鞋桐帽天賜閒想君八十仍童顏  
我今夢寐譚仙嶺五更日出鷹窠山

雪後至道院

爲訪僊真去停輿叩道扉入山泉瀨滿出谷磬聲微殘  
雪曉猶凍寒雲晴欲飛時人不相識久著薜蘿衣

夢游嶽麓寺

夢入南湘路舊游何處尋猿啼洞庭野僧住嶽門陰  
緬彼古人跡感余今日心常懷李北海寂寞獨沈吟

幽居

短短柴扉兩板橫已從局外看楸枰數椽賴有遮頭屋  
四壁還餘折脚鐺老謝朋交希問訊思泉石偶尋盟  
朝來賒得前邨酒攜對青山酌一觥

繇忍草莽登惠山第一塢絕頂下黃公澗尋碧山

吟社遺址

踈磬出林杪一庵當石泉礮聲含竹雨花氣溼茶煙遂

陟貫華

閩名

頂忽來吟社前幽人臥雲壑高咏采苓篇

黃公

澗石上有臥雲二字傳是邵文莊鐫

### 拒客

明時進退劇從容白氎青藜伴老農  
權當登山看古畫  
慙如入定聽隣鐘  
璩璫絕類羊公鶴  
瑟縮何殊魚復龍  
休怪主人頻拒客  
年衰君合怨疎慵

### 孤琴

童子掃藤陰浩然秋滿林  
松風覺殘夢山月照孤琴  
援爾欲三弄興來還一吟  
茫茫塵世客誰識此時心